


漢名臣傳

主下



內閣文庫	漢書	類
三八函	二三〇五	架冊號類

內閣文庫	漢書	類
元二	架冊號類	
內閣文庫		
番號	漢	2305
冊數	160 (138)	
函號	290	43




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





蔡成貴列傳

蔡成貴湖北襄陽人康熙三十五年由行伍
 拔補雲南臨元鎮標把總遷千總三十八年
 剿撫魯魁山賊軍功紀錄一次四十二年遷
 永順鎮標右營守備四十八年遷遊擊引
 見以善射記名五十六年遷廣西鬱林營叅
 將雍正元年遷梧州副將三年擢貴州安籠
 總兵五年奏稱廣西西隆州古障土目王尙
 義等與貴州普安州捧鮮苗目阿九等累年

漢名臣傳卷二十一

互爭亞染烏舍填犁魯桑等寨因土目讐殺
係外結例無考成是以遲延未結請

敕黔粵委大員審斷并嗣後審理兩省交界
土苗案件立定期限

詔下雲貴總督鄂爾泰議行六年剿八達寨
逆獮顏光色等奏言賊巢險峻砲攻不能破
臣至卽出示招撫散羽黨助賊之泥洞等寨
輸誠効力獲人抱金抱富等誘斬光色以獻
巨魁已斬脅從尙多遂分路進攻復遣南籠

土練潛入放火設伏燬巢焚死無算降獲男
婦百八十餘奏入下部議敘加都督僉事銜
七年

諭曰右江係新設之鎮總兵員缺緊要安籠
總兵蔡成貴勦撫八達寨苗蠻于地方甚爲
熟悉着將蔡成貴調補右江總兵九年正月
勦鄧橫寨苗五月平之調左江總兵尋敘平
鄧橫寨功加都督同知銜十月擢雲南提督
兼都督銜十一年奏言標營軍器關係甚重

若不及時清理未免貽誤操防護陳四條仰
冀

聖鑒一直省弓箭鳥鎗籐牌長鎗刷刀等項
各有成額符者修整缺者補製其溢額者非
裁減卽收貯之器積年朽蠹兼恐竊賣請查
堪用者存留朽蠹者銷燬仍報部以防竊賣
一前年剿鄧橫調用左右兩江鎮協大砲每
耗製震斷鉄色如土皆年久銹蝕故請
敕下將軍督撫提鎮清查砲位堅好者留用

銹壞者鑄造如本營未設別營有餘通融撥
取慎蓋藏以蔽風雨建砲車以避潮濕每年
十月演放一次如不修及修而仍致銹蝕者
諸管官照燒燬軍器例議處一直省軍火甲
械以都司守備爲專管官副將叅將遊擊爲
兼管官督撫提鎮查出缺額分別議處罰賠
如兼管官查出將專管官議處勒限獨賠兵
丁缺少該管官揭報製補足額者免議新舊
各官限一月交代離任官取新任收清回文

漢名臣傳卷二十一
方許起程舊官推卸玩延新官措勒隱捏照
文職交盤例議處病故之員缺軍器者如係
兼管官則專管官獨賠係專管官則兼管官
獨賠倘專兼管官一時病故着從前未經查
出各官賠補其缺旂幟帳房鑼鍋鋏鋤火藥
鉛彈等項果係年久朽壞因公動用者准予
酌留公糧內按數製補免議派累弁兵製補
者叅處一提鎮到任照督撫新任盤查例委
員點驗各營器械專屬提轄者提督委查分

隸鎮轄者總兵委查如屬督撫轄督撫委查
取本營並無缺少印結委員並無捏飾甘結
存案倘題奏後缺少發覺委員照徇情例議
處督撫提鎮照失察例議處下部議行乾隆
四年奏稱滇疆節次用兵故兵家口衣食無
措尤鰥寡孤獨中不忍不矜全者臣數年中
竭力救濟查家口眾寡月給米三斗二升一
斗五升不等近無業孤寡漸次開除外尚有
餘戶臣一人籌慮終難爲久遠計距大理府

漢名臣傳卷二十一
城三十里喜州地方有草廠一處向備提督
牧馬尚多餘地泉可灌溉臣于乾隆二年買
牛具募工開墾成田三百餘畝三年招募耕
種每年得米百二十石從此無業貧民有田
耕種無糧孤寡有和養活惟新墾地例應科
糧伏念我
皇上如天之仁矜恤貧窮可否將此項田糧
邀
恩賞免責令提標中軍叅將籌經營出入年

底冊報臣衙門查核入於交代營中孤寡永
沾寔惠得

旨允行六年以年老致仕奏請入籍雲南下
部議駁奉

特旨准其入籍十五年卒

楊超晉列傳

楊超曾湖南武陵人康熙五十四年進士改
庶吉士散館授編修雍正四年入直

南書房充湖北鄉試正考官尋提督陝西學

政五年五月遷司經局洗馬六月遷左庶子
六年疏言商州之鎮安山陽商南興安州之
平利紫陽石泉白河等縣童生甚少文藝荒
疎每將西安漢中屬頂名冒考諸童取入足
額謂之寄籍相沿既久諸弊叢生請嗣後就
本籍童生文藝量取不必勉強足額俟人文
漸盛補足寄籍諸生改歸原籍廩增俱作附
生應試下部議行尋調順天學政八年遷侍
講學士九年擢奉天府尹疏言各屬一切公

務均有陋規攤派已嚴飭永禁疏入

上是之將所奏宣示令永禁遵行十年疏言
奉屬自光祿寺卿王符奏准商運販糴過多
價難平減本年秋收稍歉明春商船雲集勢
必騰貴請停禁商運部議准行十一年疏請
州縣所收加一耗羨除錦寧遠二屬外俱免
提解畱充州縣養廉其府尹等官養廉于中
江等稅羨餘銀內撥給首領佐雜等官于錦
縣寧遠縣酌派部議如所請以雍正十一年

爲始永爲例時內務府議准御史八十餘奏
于錦州增莊頭百戶將舊交代民種荒餘地
揀給超會奏民種地立業已久今增莊頭百
戶戶給六百五十晌六畝爲一晌計需三十
九萬畝以民間每戶耕數十畝論給萬戶無
地可耕斷難一時安輯且正值春耕清文動
須時日舊戶新莊俱不能播種本年賦必兩
懸臣以諭民耕種毋防農業應給莊頭地畝
緩俟秋收查丈下部議行又言復州安州近

年戶繁墾廣請裁復州通判改設知州一吏
目一裁金州巡檢改設知縣一典史一義州
接壤邊境微員不足彈壓請裁巡檢增設知
州一吏目一自廣寧牽馬嶺以西錦縣齊家
堡以北歸義州轄土默特耕地民就近附義
州民籍又請將奉天治中照各府管糧廳例
分管糧務理事通判照各府督捕廳例專司
督緝又請改奉天各州縣要中簡缺量才補
用又承德錦州寧遠廣寧四州縣衝要解犯

漢名臣傳卷二十一
絡繹請各增步快二十奉天府獄監犯多增
禁卒入均議行尋定金州新改縣日寧海四
月擢總督倉場侍郎十二年九月擢刑部額
外侍郎仍辦倉場事務十一月授右侍郎十
三年充文穎館八族通志館副總裁乾隆元
年充律例館總裁尋
命署康西巡撫二年正月寔授二月疏言桂
林等府州縣各墟雜稅寫遠難查請豁除其
賀縣花麻地租雜稅有額無徵亦應全裁下

部議行十二月疏言泗城鎮遠二府及東蘭
荔波寧明各州縣應試者少前撫臣金洪令
外人入籍考試卽爲土著童子之師但冒籍
者掛名學宮並未久居土著何從受其教益
今鄉試三科外省已中式數名若至十科勢
將佔去過半又其人皆行險僥倖中式後設
獲罪逃脫居官虧空籍貫與里居不符從何
追究請將外省入籍例停止部議從之先是
撫臣金洪奏令粵西廢員及外省官生借墾

荒報捐後捏報者多每搜有餘熟田量給工
本卽作新墾數雲南布政使陳宏謀原籍廣
西力陳其弊部議令超會秉公確查至是同
督臣鄂爾達會奏從前捐墾不寔田畝應減
應豁及各官生短給工本各欵部議巡撫金
拱布政使張鉞革職私派加徵各官論罪如
律其田分別減則豁除三年奏言賓州原直
隸州轄上林遷江二縣近俱改隸思恩府請
裁分駐上林縣州同改設縣丞專司捕盜又

言右江鎮增設中營請將思恩營原擬防田
州汎之外委一兵五十移駐適中之馬平汎
又言苗疆各官養廉不敷請將桂林平樂潯
州三廠稅課盈餘銀酌繁簡增給又言泗城
鎮安二府俱改土歸流地廣俗悍以知府兼
縣事未免顧此失彼請增附郭知縣各一典
史各一撤回駐天峩之泗城經歷改設縣丞
一裁去泗城原設之同知照磨均下部議准
行十月擢兵部尚書四年八月充明史綱目

漢名目傳卷二十一
副總裁十一月署吏部尚書充
經筵講官尋以任巡撫時濫舉貪酷知府饒
鳴鏞部議降調得

旨寬免五年五月署兩江總督九月授吏部
尚書仍署總督事先是蘇州織造兼管漕擊
閩海保以貪婪叅革部議海保管閱九年其
守口家人衙役等需索商民數多併着追超
會奏言此等人役向係一月一換轉徙無常
得駐甚零星年遠難查請免追從之是月奏

勅南昌知縣沈宏靖貪婪不法各款尋革宏
靖職

詔超會嚴訛論絞候十一月奏劾江西巡撫
岳濬與知府董文偉劉永錫朋比作奸徇情
納賄

命戶部侍郎阿里衮會同江南河道總督高
斌鞠寔得

旨褫岳濬職從寬免罪餘論如律十二月疏
言今秋徐海二屬偏災應納粟米奉

欽定四庫全書
欽定大清會典事例
卷之二十一
旨改徵折色照部定價每石七錢五分內贖
榆一縣向係民折官辦本年折徵已議定每
石徵銀一兩陸續完納今照部價溢銀二錢
五分若以完納在前使急公良民轉不如未
完之戶得沐

皇恩似未均平請將溢銀卽抵該戶本年夫
完或明年未完之數其舊欠折漕緩徵各州
縣亦多已徵銀米均作次年分徵之數得
旨允行六年四月疏言松江府二屬涇縣黃

浦宜洩要道前兩浙鹽臣佟吉圖恐涉障湖
進淤積鹽河於涇口築埧攔截埧內民田蓄
洩無條舟楫出入迂迴撫臣張渠請開埧建
閘但建閘或害鹽運請開埧後卽于埧基設
立木柵中畱寬濶柵門每屆六月十二月掣
鹽時依期封閉以防偷漏平時聽商民往來
庶爲兩便又言松江太倉沿海土石塘工計
佔壓及挖廢田不下百餘頃撫臣許容奏請
挖廢零田原令業戶領種定額輸租臣思此

漢名目傳 卷二十一
田皆民間恒產並未給還原價若以錢糧既
經豁免又必按畝徵租似非情理之平且半
作溝潭不成阡陌將來歲修取土正無底止
在舊戶亦不能長爲已有請聽耕種免租均
如所請議行又言崇明一邑向係蘇松巡道
統轄雍正八年因其孤懸海外文職僅縣令
增駐大通道轄太倉通州兩屬但道員于地
方案件不過一加覆核原不親駐辦理况增
設以來該道憚于過海俱駐太倉此缺無明

輕重可見又揚州三江營原設同知一巡緝
私鹽雍正十年改爲鹽務道要缺查兩淮鹽
務有運司經理運判大使分地稽察且地方
官俱有禁緝私販之責該道不過據文轉詳
全無關係請俱裁汰通州就近歸併常鎮道
轄餘如舊管理部議從之六月兼署安徽巡
撫時提督南天祥聲名平常超會奉
旨訪察奏言天祥明于水陸營制愛憎任情
諸子及家人丁弁藉端營私漫無約束尋

命南天祥原官休致先是乾隆元年三年安徽各屬賑濟銀米數溢例屢經部駁布政使託庸請以司庫節年盈餘照數支補奉旨令督撫查奏至是趙曾奏言此項銀米並無捏報以不應着賠之項設法彌補不可爲平應卽照數銷結疏入

報聞八月

諭令回部辦事疏言本年七月間風雨大作上江臨淮鳳台等二十四州縣下江上元江

寧等二十六州縣及山陽盐城等處沿江沿海田禾被淹災重急應撫恤者已將本州縣所存銀米動用又于上江酌撥司庫銀八萬解宿州靈壽虹縣將鄰近不被水州縣倉米分撥十萬備賑動支司庫銀二十萬買米麥以供賑糶下江各縣穀現存及動買者約百餘萬又撥司庫銀十餘萬斛徐海二屬撥銀三千解六合浦江二縣分別賑恤餘銀放給籽種疏入

奏名臣傳

卷二十一

七

漢名目傳卷二十一
諭曰料理賑恤事宜頗爲得法務令屬員咸
知朕視民如傷之意以至誠惻怛之心爲之
庶可稍救災黎耳時通州鹽河工因春漲不
能速竣辦理水利大理寺卿汪濬副都御史
德爾敏議開唐家閘宣洩商民以外港水無
去路必淹麥田紛集欲罷市吏部侍郎楊嗣
璟奏開閘錯謬
命超曾查核超會奏言事皆出入因公民寔
切於爲已並無挾制阻撓且未竣工程稍遲

數月亦無貽悞似可無庸深究又言通州知
州王師旦深知唐家閘不可開因汪濬等檄
諭嚴切不能堅執失在依違並非偏謬汪濬
年老多病不能專主德爾敏矜才自用未能
和衷此外並無不妥之處

上曰此公論也十二月丁父憂回籍七年卒
賜祭葬如例諡文敏

仲永檀列傳

仲永檀山東濟寧人乾隆元年進士改庶吉

漢名臣傳卷二十一
吉士散館授編修三年六月充湖北鄉試副
考官五年十一月授陝西道監察御史十二
月疏言酌減上元燈火聲樂

諭曰昨御史仲永檀奏稱人君辦理政務一
有暇逸之心卽開怠荒之漸每歲上元前後
燈火聲樂日有進御伏願酌量裁減豫養清
明之體書云不役耳目詩云好樂無荒古聖
賢之垂訓乃朕所夙夜兢兢而不敢忽者仲
永檀所奏亦卽此意惟是歲時讌賞慶典攸

關自古有之况我朝統一中外元正獻歲外
藩蒙古朝覲闕庭錫宴同歡有不可缺之典
禮朕亦惟踵舊製而行之未嘗有所增益至
于國家政務朕仍時刻留心照常辦理並未
蹈怠荒之戒而畧有稽遲也因仲求檀不能
深知爰頒此旨至伊胸有所見卽直陳無隱
是其可嘉處朕亦知之先是工部鑿匠俞君
彌富而無子病故後其義女婿許秉義欺其
嗣孫長庚幼謀爭產出名主喪因囑同宗內

閣學士許王猷徧邀九卿往弔且首君弼有
埋藏銀步軍統領鄂善以

聞

詔嚴鞠秉義論罪如律並革王猷職傳

旨申飭九卿六年三月永檀奏言臣聞鄂善
于掘銀案內受俞姓賄一萬兩禮部侍郎吳
家駒因弔喪受謝儀五百兩又吞分送九卿
炭金二千兩旋即假歸且聞弔喪不止九卿
大學士亦然張廷玉差人送帖徐本趙國麟

俱親在詹事陳浩在彼陪弔奔走數日臣因
未得鄂善等受賄確據大學士等又于

皇上申飭九卿時追燬原帖不敢遽叅恭讀
上諭原許風聞言事謹據寔密奏以備訪查
又聞向來密奏畱中事件外間旋知此必有
串通左右暗爲宣洩者權要有耳目朝廷將
不復有耳目矣疏入

諭曰據御史仲永檀叅奏鄂善等稱係風聞
言事據寔密奏以備訪查鄂善係朕倚用之

漢名臣傳卷二十一
大臣非新用小臣可比伊意欲朕訪查不知
應委何等之人若委之禁近小臣豈大臣不
可信而小臣轉可信乎若委之大臣又豈能
保其必無恩怨乎况命人暗中訪查而朕不
明言藏于胸臆間是先以不誠待大臣矣此
事甚有關係若不明晰辦理判其黑白則朕
將何以任用大臣大臣又何以勝任國家之
事耶着怡親王和親王大學士鄂爾泰張廷
玉徐本尚書訥親來保秉公查審使其果寔

則鄂善罪不容辭如係虛捏則仲永檀自有
應得之罪王大臣必無所偏徇于其間也仲
永檀又稱向來密奏畱中事件外間旋知朕
於左右近侍訓約甚嚴防閑甚密數年以來
凡密奏畱中之件皆朕親自緘封並有覽閱
之後默記於中卽焚其稿者寔無宣洩之隙
其有宣洩于外者則皆係本人自向人言以
邀名譽而反謂自內宣洩以爲掩飾之計朕
猶記方苞進見後將朕欲用魏廷珍之意傳

漢書卷二十一
述于外並于魏廷珍未經奉召之前遷移任
屋以待其來京此人所共知者又李紱曾經
召對朕以君不密則失臣臣不密則失身之
義諭訓之伊稱臣斷不敢不密但恐左右或
有洩露耳朕諭云朕從來召見臣工左右近
內曾無內侍一人並無聽聞亦何從洩露如
此二人者皆此類也至于權要申通左右一
語朕觀此時並無可申通之左右亦無能串
通之權要伊既如此陳奏必有所見著一併

訊問具奏朕之所以廣開言路者原以明目
達聰以除壅蔽若言官自謂風聞言事不問
虛實紛紜瀆陳徒亂人意于國事何益是以
此案必須徹底清查不便含糊歸結亦正人
心風俗之大端也仲永檀摺并發尋

命革鄂善職拿交刑部嚴審

諭曰仲永檀叅奏鄂善得受俞長庚賄賂一
案朕初以爲必無之事仲永檀身恃言官而
誣陷大臣此風斷不可長但事不查明何以

漢名目傳卷二十一
治仲永權之罪因而派王大臣七人秉公查
審屢經研訊逐日奏聞乃鄂善家人及過付
人等俱各應承是鄂善受賄之處已屬顯然
朕特召和親王大學士鄂爾泰尙書訥親來
保同鄂善進見面加訊問鄂善始猶抵飾朕
諭之曰此事汝家人及過付人等俱各應承
汝能保家人捨命爲汝而自認此賍爲已吞
乎若能如是事亦可已若不能如此此數人
者出將秉公嚴訊彼時水落石出汝一人之

事所關甚小而朕用人類面所關則大汝若
寔無此事則可若有不妨於朕前寔奏朕另
有處置面諭此數大臣從輕審問將此事歸
汝之家人以全國家之體設非朕另有指示
此數人者但知秉公而已敢如是辦理乎鄂
善熟思乃直認從家人手中得銀一千兩是
寔朕以鄂善在朕前已經自認毫無疑竇以
皇考及朕平日深知信用之大臣而負恩至
此國法斷不可恕若於此等稍有寬縱朕將

漢名臣傳卷二十一
何以臨御臣工但朕心欲以禮待大臣以存國體賈誼曰其有大罪者聞命則北面再拜跪而自裁上不使人摔抑而刑之朕之處鄂善亦猶是耳因垂淚諭之曰爾罪按律應絞念爾曾爲大臣不忍明正典刑然汝亦何顏復立人世乎汝宜有以自處乃彼旣出之後朕猶恐如此辦理或有過刻之處又令和親王等四人會同大學士張廷玉福敏徐本尙書海望侍郎舒赫德再加詳議據王大臣奏

稱鄂善婪贓負國法所不容人心共憤理當明正典刑乃蒙天恩容其自盡寔無過刻之處朕因令訥親來保前往將王大臣奏帖與鄂善閱看并傳諭曰朕于大臣視同手足今爾負朕至此朕萬不得已如此辦理自降旨之後心中戚戚不能自釋如人身之失手足也汝心中若有欲言之事不妨向二人再行陳奏鄂善忽奏稱我錯聽皇上諭旨以爲我家人已供我得銀一千兩又聽得諭旨云爾

係一

皇考及朕信甲

臣如果有受賄寔情可

在朕前據寔奏出朕另有辨處以全大臣之

體我因皇上屢次降旨滿尚書皆可信其無

他今我被人叅劾審有得銀之供恐皇上辨

理為難是以一時應承我寔無証私入已如

家人供出我來情願與之質對等語朕當爾

等面訊鄂善時總以至誠開導欲得其寔情

爾等皆為之感泣鄂善亦良心發見俯首無

詞因而直認不諱並未以威攝之以言誘之

以刑誅之也旋命訥親來保傳旨與伊朕意

彼若自知罪重誠心悔過或以罪當監候懇

切哀求尚欲緩其須臾之死乃鄂善無耻喪

心至于此極其欺罔之罪即立時正法亦不

為枉夫朕之所以令彼自處者以欲全國家

之體而賜彼以顏面也乃彼自不惜顏面朕

將何惜豈

皇考在天之靈不容此負恩之輩冒恩苟免

欲使明正典刑以儆戒大小臣工耶可將鄂善革職拿交刑部著福敏海望舒赫德會同爾等嚴審則虛寔自見或因鄂善愧懼一時錯認亦未可知王大必不阿朕旨而故入以重辟也夫奸盜等案朕尚熟思審處期於至當况鄂善曾為大臣者乎朕為此事數日以來寢不安席食不甘味深自痛責以為不如我

皇考之仁育義正能使百爾臣工兢兢奉法

自不致身陷重辟水弱之病朕寔蹈之若再不明彰國法則人心風俗將何所底止朕之苦衷亦惟

皇考在天之靈鑒照之耳垂淚書此王大臣其體朕意焉布告天下咸使聞之四月王大臣等鞠寔鄂善擬絞決吳家騏陳浩均革職論曰仲永檀身為言官能發奸摘伏直陳無隱甚屬可嘉應加超擢以風台諫着將僉都御史鄭其緒調補順天府府尹其僉都御史

漢名臣傳卷二十一
員缺卽將仲永檀補授至仲永檀摺內所奏
大學士到俞姓送帖弔奠一事今查詢明白
全屬子虛伊係得之于枋之口則非伊捏造
可知又奏雷中密摺宣洩於外伊既舉出吳
士功叅奏史貽直一案查上年吳士功果有
此奏現在交王大臣查詢是伊亦並無妄言
之咎俱不必向伊置問朕始疑仲永檀妄言
誣陷大臣故欲加罪今詢查有據旋卽加恩
擢用朕大公至正之心可以對

天地可以對臣民自今以後居言官之職者
皆當以仲永檀爲法而不必畏首畏尾矣八
月擢左副都御史時貴州襄安縣民羅尙珍
赴都察院控家居之原任四川巡撫王士俊
佔據坟山
命永檀赴貴州與總督張廣泗會鞫得實士
俊擬杖徒如律七年二月充會試副考官時
河南巡撫雅爾圖劾永檀自貴州回京令家
人鞭打平民下部議罰俸九月充會試考官

十二月

命往江南同巡撫周學健辦理查賑事務是
月以密奏留中事洩於鄂咨安奉
旨草職拿問交王大臣等會鞫尋
諭曰朕細閱鄂咨安仲永檀供詞伊等往來
親密于未奏以前先行商謀既奏以後復行
照會二人俱已供出明係結党營私糾叅不
睦之人爾等祇擬以洩漏機密事務之律本
合著三法司另行嚴定王大臣等因請刑部議

並將大學士鄂爾泰草職拿問奉

旨鄂爾泰着交刑部議處以示薄罰至爾等
奏請將仲永檀鄂咨安加以刑訛伊等俱會
為三品大臣又豈可似盜賊罪犯重加三木
若不過套夾一訛為爾等斷案張本又何必
多此一番奏請乎况此事形迹已明無庸刑
訛仲永檀受朕深恩由御史特授副都御史
乃依附師門將密奏密叅之事無不豫先商
酌暗結党援排擠不睦之人情罪甚屬重大

漢名目傳卷二十一
鄂容安在內廷行走且係大學士之子理應
小心供職閉戶讀書乃向言官商量密奏之
事情罪亦無可追但較之仲永檀尙應未減
耳爾等可定擬具奏永檀尋病卒

劉綸列傳

劉綸江蘇武進人乾隆元年由廩生舉博學鴻詞試第一授翰林院編修二年恭修世宗憲皇帝實錄充纂修五年遷侍講六年六月充

日講起居注官尋充陝西鄉試正考官九月授太常寺少卿七年三月遷通政司右通政十月轉左八年遷太僕寺卿九年在內閣批本處行走十年遷大理寺卿十一年授內閣學士十二年

命編詞林典故十三年充武會試正考官十四年九月署兵部侍郎充續文獻通考副總裁入直

南書房十月充

國史館副總裁十一月擢禮部右侍郎十二月調工部兼理兵部十五年命軍機處行走充平定金川方畧副總裁十六年土默特貝子哈木噶巴雅斯郎圖不按原議年限逐種地人民直隸總督方觀承入奏命綸偕貝勒羅卜藏侍讀學士麒麟保查勘六月合疏言出口民價典旂地者應遵原議十五年限外撥還原主嗣後不得私典他

如領地耕種爲佃戶受雇力作爲傭工皆浮寄謀生初無佔地之意應許暫行餬口更有領地開荒之民積累辛勤始得成熟與價典不同俟年滿日先還庄主所需自種之地有盈給種以償前勞市肆舍宇定租價以息爭端畱商賈工匠以免驅逐將手木頭城三座塔二處居人稠密許照常居住不得添增于三座塔設巡檢一以資彈壓從之七月充詩經館副總裁九月丁父憂十八年補戶部右

侍郎十九年正月兼理順天府府尹事二月

充

經筵講官二十年六月準噶爾平定軍功議
敘加三級七月充平定準噶爾方畧副總裁
十二月浙江按察使富勒渾忝奏調任巡撫
鄂樂舜授意布政使同德勒派商銀

命綸赴浙同浙閩總督喀爾吉善兩江總督
尹繼善會審二十一年二月覆奏鄂樂舜受
銀屬實擬絞候同德並未知情富勒渾忝

擬杖流

上以富勒渾所參重欵已寔不應議罪綸等
定擬過當下部議葶職奉

旨寬免畱任四月

命專辦部事不必兼軍機處行走二十二年
教習庶吉士二十三年奉

旨仍在軍機處行走二十四年六月奏言薊
州寶坻等處蝻子萌動臣等現在督捕惟是
一邑村落甚多州縣官事繁未能周遍派千

總外委同佐雜分捕叅將大員借監司巡察
勤惰以示勸懲疏入


報可閏六月擢都察院左都御史十一月平
定回部功成議敘加三級二十五年八月充
恩科順天鄉試正考官十一月

命偕刑部侍郎伊祿順赴西路勘將軍嵩阿
禮尅兵糧勒餽送等欸得寔論如律二十六
年五月署兵部尙書六月教習庶吉士二十
七年

賜紫禁城騎馬二十八年五月調兵部尙書
仍署兵部教習庶吉士六月

命協辦大學士十月加太子太保二十九年
兼署刑部尙書三十年丁母憂三十二年補
吏部尙書協辦大學士事三十三年六月兼
署戶部十月充

經筵講官三十四年三月充會試正考官四
月以中式舉人梁泉卷被勘部議革任得
旨寬免三十五年八月充順天鄉試正考官




漢名臣傳卷二十一
十一月充三通館副總裁三十六年二月晉
文淵閣大學士兼工部尚書五月

國史館正總裁三十七年充會試正考官三
十八年卒遺疏入

諭曰大學士劉綸品行端醇學問博雅久直
禁錮籍畀閣務勤勞夙著倚任方殷今春患
病屬遣侍衛御醫存問診視復特賜人蔭俾
資補益昨復沉劇倍增屢念茲聞溘逝深為
軫惜著加贈太子太傅入祀賢良祠其任內

降章之素均予開復賞銀一千兩辦理喪務
派皇十二子帶領侍衛十員往奠茶酒所有
應得卹典仍著該部察例具奏尋
賜祭葬如例諡文定子躍雲現官禮部左侍



漢名臣傳卷二十一

終

天保三

